

2 San Pedro

Mamabuinore coyuiyebu Pedro bácu ũi toivacaiye báquede yóbocayoca paperayocare. Apevu ne dápiayeye, toivacarejaquemavu judíova Jesúre ju aipðevare, ne joborðare jocarí dajocaivu bácvure, curájiyure apenoa joborðai, die ámiá Ponto, aru Galacia, Capadocia, Asia, aru Bitinia máre (1 P 1:1). Æbenita obedivu ne dápiayeye, toivacarejaquemavu caivu Jesúre ju aipðevare. Pedro bácu judíovacacu barejaquémavu. Jesús ũi yávaiye méne beorí coyucðojeimu marejaquémavu. Lucas bácu toivarejaquemavu Pedro bácu borore Hch 1:12-5:42 aru 9:32-12:19 aru cap. 15. Majidivu ne dápiayeye, toivacarejaquemavu diyocare ániyu bácarðre 64 d.C. Æbenita áimaro Pedro bácu ũi curiimaro ũi toivacaiyede diyocare caivu majibevu. Apevu “Babilonia ámicuriimaro curejaquemavu” arí, aru apevu “Roma ámicuriimaro curejaquemavu”, arí dápiavubu.

Toivacarejaquemavu Jesúre ju aipðeva, ne me járajyeye ayu Jūmenijicure ju abevu ne jujobabenajyeye ayu náre ne bueiye jáve ámeque, ne vainí turí bíjabenajyeye ayu ne ju aiyede jaruvarí (3:17). Coyurejaquemavu aipe árojae jauðre Jesúre ju aipðevare (1:1-15), aru aipe árojae máquede Jesúí jáðovaiye báquede meacu bajure aru Jūmenijicure coyucaipðeva mácvu ne yávaiye jávene (1:16-21), aipe árojaene borocuede bueiivu ne coyuiyede (cap. 2), aru aipe árojaene Jesucristoi copaidaiyuede (cap. 3).

Pedro ũi meaicðjeino Jesúre ju aipðevare (Tit 2.13)

1 ¹Yúbu Simón Pedro, Jesucristore memecayu aru ũi yávaiye méne beorí coyucðjeimaracacu. Toivacaivu yu mujare, ju aivure cúináturu ñujaque Jūmenijicure, majare meadaiðecu pueno meacu baju Jesucristore.

²Jūmenijicu mearo ðacajacurí mujare bojecubeda ũi me boje. Aru torojurí me cure ðajacurí mujare cárijimevva pueno baju muje majiéque maje jabocure.

Jesúre ju aipðeva ne mearo ðaino (Jn 21.18-19)

³Jūmenijicu coreóvare ðaibi majare Jesucristore, ñai cutuyu bácvure majare, maje ũ jina marajyépe ayu. Cutuibi majare, maje cuvarájiyeye ayu me úpe aru maje ðarájiyeye ayu mearore ũi ðaiyeye. Caride maje coreóvaiye boje Jesucristore, Jūmenijicu cuvare ðaibi majare caiye jauéde majare,

maje curájiyeye ayu me ũi jáinoi, úre memecaivu ũi paruéque. ⁴Ijáravucavu ámena ámeina dápiadama aru ámedadama ne ámeina ðaiyuepe. Que teni bíjare nuñama na. Æbenita Jūmenijicu pueno meacu baju me dápialbi aru me ðaibi máre. Que teni cubi me cainumua. Aru Jūmenijicu “Mearo ðacacuyumu yu mujare”, ũi urarð mearo aino mácarðque, bíjabede ðaibi mujare, yópe ne buoimarare dupini nure ðaiyeye, muje curájiyeye ayu me úpe. Que baru muja meara, me dápiavv, me ðavv máre buojarájiyabu. ⁵Que baru jauvu mujare muje memenajyeye, muje curájiyeye aivu me Jūmenijicui jáinoi. Javede ju adavv Jesucristore. Ju arí, meara tejará muja. Meara teni, coreóvajará mearore aru ámenore máre. ⁶Mearore aru ámenore máre coreóvarí, ðaicðjejara me muje dápiayede aru muje ðaiyede máre. ðaicðjenu muje baju me, napijara muja. Napini, me cujará muja yópe Jūmenijicui urðpe úre memecaivu. ⁷Me curí yópe Jūmenijicui urðpe úre memecarí, ujará muja apevu

Jesúre ju aivure yópe mñje ñepe mujeyovare. Aru urí apevu Jesúre ju aivure, ñjarã mñja caivure máre.

⁸Mñja ñaivu baru diede, aru caijãravna pñeno baju ñaivu baru diede, jũracubenamu mñja. Aru mñje ñaive bojecube ñemequiyebu. Quénora ñetubevva memecarãjivubu mñja, mñje coreóvaive boje me maje jabocu Jesucristore. ⁹Ûbenita ñai ñabecu baru diede aru die jaũru ñre, yópe pñecupe joarõ jãri eabecu mimini quĩjino jãñu joabenoĩ, nopedeca jãpiarĩ eabecu cavarõ mearoquede, Jũmenijicu jinore coreóvabebi. Quénora jãpiarĩ eayũ ijãravuquede, coreóvaibi diede. Ûrecabe ñrũmeteyũ Jũmenijicui ñrũmeteyi bãquede ñi ñeina teiye bãquede aru Jũmenijicui jarũvaive bãquede ñi boropatejuroe bãquede. ¹⁰Mñja, jĩvu, que baru mñje memecaiye méque, mñje ñaive mearoque máre, coreóvare ñajarã jãve Jũmenijicui beoiye bãquede mñjare, ñi cutuiye bãquede máre. Que ñaivu baru, mñja ye vainĩ turĩ bñjabenamũ Jũmenijicure jocarĩ. ¹¹Que baru torojũri copũ etaimara mãrajivubu mñja maje jabocu Jesucristo, majare meadayũ, ñi jaboteino cũiménoi.

¹²Que baru ñrũre cure ñaiyvũ yũ mñjare cainũmũ iye yãvaive ji coyuiyede. Javede mñja coreóvarejaquemavũ diede aru ju arejaquemavũ iye yãvaivede jãvene ne bueiye bãquede mñjare. ¹³Meavũ ñrũre ñayũ mñjare ji cuede cãreja ijãravui iye yãvaive méne ji coyuiyede, mñje dápiare nũrajiiyepẽ ayũ diede. ¹⁴Maumejie yaicáyũmu yũ yópe maje jabocu Jesucristo ñi majide ñaive bãquepe yũre. ¹⁵Que baru ñaquijivũ yũ caiyede ji oainope, mñje ñrũri buojarãjiiyepẽ ayũ caiye iye yãvaive méne ji yainĩburu yóbore máre.

Ina Jesucristo meacũ bajure jãivu bãcavũ ne coyũino

(Mt 17.1-5; Mr 9.2-7; Lc 9.28-35)

¹⁶Borocũbedejacará mñjare ññje bueiye bãquede maje jabocu Jesucristoi

paruède. Aru borocũbedejacará mñjare ññje bueiye bãquede dacũyũre cojedeca ijãravui. Ññje bueiye bãque ññje baju dápiayie ñmevũ. Quénora ññjavacari jãrejacará ññje baju ññje yacorũaque Cristoi nrarõ paruède. ¹⁷Majepacu Jũmenijicuvacari pueðarejame Jesúre aru mearore jíðejame ñre ñi aive bãquede ñi yãvaino mearoque: “Ñaime jímacũ, ji umũ. Torojvũ yũ ñre”, arejame. ¹⁸Aru ññjavacari jãpiarejacará ññje baju ññje cá mucobeaque iye yãvaino mácarõre cavarõ mearore jocarĩ ññje cue bãquede Jesucristoquede dicũ cũracũ meacũ bajui, Jũmenijicui cue bãque boje nore.

¹⁹Ññje jãino mácarõ aru ññje jãpiaino mácarõ máre nopedecabu iye Jũmenijicui yãvaivede coyũcaive bãquepe javede. Que baru iye Jũmenijicui yãvaivede coyũcaive bãqueque ñ jãðovaimi jãvene ññje coyuiyede iye vaiye bãquede ññjare. Jãpiarĩ aðajarã mñja iye Jũmenijicui yãvaivede coyũcaive bãquede. Yópe pñoi buaque pñeva ne quĩjino jãri eaiyepẽ ñeminõ pũ miadãe tuiyeta aru aviã ñi boiyeta ne jãrajiiyepẽ aivũ me, nopedeca iye Jũmenijicui yãvaivede coyũcaive bãqueque ñ coreóvare ñaibi mñjare quĩjino pũ Jesucristoi copaidaiyeta, ñi coreóvare ñaquiyede mñjare me caiyede mñje ñmei. ²⁰Mamarũmũ coreóvajarã mñja iyede: Pñecu cũbebi ñi baju coyũri buojayũ aipe aiyũrõre Jũmenijicui yãvaivede coyũcaino mácarõre ñi toivaicõjeino mácarõre ñi yãvaivede. ²¹Que baru ñi yãvaivede coyũcayũ bãcu cũbedejaquemavũ coyũyũ bãcu ñi baju dápiainore yópe ñi baju nrõre. Quénora caivũ ina Jũmenijicui yãvaivede coyũcaivũ bãcavũ memecarejaquemavũ ñre. Aru coyũrejaquemavũ ñi dápiayede yópe ñi nrõre. Jũmenijicui Espĩritu Santo coyũicõjenejaquemavũ na mãcavũre.

Ina borocũede bueivũre coyũino

(Mt 12.45; Lc 11.26; Jn 8.34;

Ro 6.6, 16; Jud 4-13)

2 ¹Javede Israecavũ bãcavũ ne jñeboi cãrejaquemavũ Jũmenijicui

yávaiyede coyucaipõeva ubenina. “Jūmenijicui yávaiyede jāveneca yávaivubu ñña”, borocurī arejaquemavu na mácavu. Nopedeca bueipõeva ubenina curājivubu muje jēneboi. “Jūmenijicui yávaiyede jāveneca bueivubu ñña”, borocurī arājivubu na. Ubenita yavenina bueni bārāvivubu ne yávaiyede jāve āmene. Aru ju abevvacari maje jabocu Jesucristore, ñai meadayu bācure náre, “Maje jabocu āmemi ũ”, arājivubu na. Yópe pōecu ũi bojedaiyepe ũi urōre bojedainoi ũ jino maquiyépe ayu, nopedeca Jesucristo ũ jinare ðaibi náre ũi meiyé bāque boje ũi jivede. Aru ne yávaiyede jāve āmene bueiyé boje, maumejiena bíjare ðarājarama ne baju. ²Obedivu pōeva náre ju arī, yóvarī nurī, napedeca urarō āmeno ðarājivubu. Ne ðaiye boje nópe, āmeina yávarājarama ina ju aivure Jesucristore. ³Āujinajivubu na apenvi cūvede, tāuturare máre. Que teni jujovarājivubu mujare ne bueiyé borocueque, ñajivu muje cuvaede. Ubenita javede Jūmenijicu “Ina borocuede bueivū ñājinajarama”, arejaquemavu. Que teni bíjarājarama na Jūmenijicure jocarī.

⁴Ina ángeleva āmeina teivū bācavure Jūmenijicu ārumetebedejaquemavu ne āmeina teiyé bāquede. Quénora darorī jaruvarejaquemavu náre ñeminitucubui, ina ñājinajivure ne coreinoi. Nore nárecabu buoimara tāumeaque coreivū pu Jūmenijicui ñājiovaquijāravū baquinóita.

⁵Quédecā ina ijāravucavu javecavu bācavure máre, Jūmenijicu ārumetebedejaquemavu ne āmeina teiyé bāquede. Quénora ocare ðarī, muivári yaidé ðarejaquemavu caivu ina āmeina ðaivu bācavure. Ubenita meaðarejaquemavu Noé mácure, ñai coyure curiduyū bācure pōevare ne mearore ðaiye jauquiyépe ariduyū bācure. Aru apenvi siete paivū bācavure quévura Noé mácuque Jūmenijicu meaðarejaquemavu muiváibore jocarī.

⁶Quédecā Sodoma aru Gomorra máre āmicurīmaroacavu bācavure

Jūmenijicu ārumetebedejaquemavu ne āmeina teiyé bāquede. Quénora cūraboā uruiboa darorī ocainopedeca, éni bíjare ðarejaquemavu caivu diimaroacavu bācavure. Que teni diimaroā quédāta ũapena teni cūinéjaquemavu. Que ðarī, Jūmenijicu coreóvare ðaibi caivu ijāravucavu curāvivure āmeina ðaivu bārāvivure ũ ñājine ðacuyure na márāvivure ne āmeina teiyé baquiyé boje. ⁷Ubenita meaðarejaquemavu Lot bācure, ñai meacu bācure. Utrarō chíõñū marejaquemavu Lot bācu ũi ũmei ina Jūmenijicure ju abevū bācavure ne āmeina teiyé bāquede. ⁸Ñai ũmu meacu cūcu barejaquemavu ne jēneboi. Aru ñājiñū marejaquemavu ũi ũmei ũi jáiyede aru ũi jápiaiyede máre ne vainí tuiyede jāravūa coapa.

⁹Maje jabocu Jūmenijicu majibi meadayu ina ũre ju arī mearo ðaivure yópe ũi urōpe, jujovavure jaruvarī. Aru ũ majibi coreyū ina ũre ju abeni āmeno ðaivure, ñājinajivure pu ũi ñājiovaquijāravū baquinóita. ¹⁰Jūmenijicu ñājine ðacuyure ina torojurī ðaivure āmeina ne baju urōpe aru ju abeni āmeina jáivure ũre apenvi pūeno.

Puedabenama ina borocuede bueivū. Ðaðama yópe ne baju urōpe. Aru jidubevūva āmeina yávaðama ina pūeno paruvure. ¹¹Que teivureca ina ángelevacapūravū, ne pūeno paruvivū aru ne pūeno cōjevū máre, pueðarī āmeina yávabenama ina pūeno paruvivure Jūmenijicui jāinoi ñājine ðarāvivū náre. ¹²Ubenita ina borocuede bueivū coreóvabenama ina pūeno paruvivure ne āmeina yávaimarare. Que baru āimara ārumevure dápiabevūva ðaðama yópe ne baju urōpe. Yópe pōeva ne jēiyépe āimarare boarāvivū náre, nopedeca na máre bíjaroimara márāvivū, ne bíjare ðaiye boje apenvure. ¹³Āmeina ñājinajivubu na yópe ne baju āmeina ñājine ðaiyepe apenvure, ne ñājiye ðaiye boje apenvure. Torojuve teðama ubenina jāravure aru ñamine máre. Que teni ðaðama yo āmenore,

cuyoje tenajivũ ne baju pœva ne cuyorjeda jãiyede. Aru ne yóvarãniyede muxe torojũve teinoi cuyoje tede ðaðama mujare ne torojurĩ jujovaiyede mujare.

¹⁴Áco nomió ne jáimore ãmenore ðaiyurĩ dápiaivũbu óque. Uetubevũa ãmeina ðarĩ ne ãmeina teiyede ðajocaiye majibema na. Vainĩ tũre ðaðama ina ju aivũre Jesucristore parubevũa cãreja ne ju aiyede úre. Náre jujovaðama yópe moa boaipõecu ùi jajovaiyepe moacũre cúvaque. Cainũmua dápiadama ne cũvaiyede caiye ne jáiyede. Que baru uraró ãujiñama na. Nárecabu Jũmenijicui ñájine ðaimara márajivũ. Que baru ùi coavaimara márajivũbu úre jarũvarĩ. ¹⁵Dajovaðama ne ju aiyede Jũmenijicui yávaiyede jávene. Que tenĩ mamateðama ne baju yópe põecu mái nurĩ macarõĩ ùi mamateiyere ùi ðajocaiyede ðimare jocarĩ. Ðaðama yópe Balaam mácũpe. Ñai Balaam mácu Beor bácuĩ mácu barejaquémavũ. Jũmenijicui yávaiyede coyũcaipõecu bácvacari, borocũcu barejaquémavũ. Úi ãmeina teiye báque boje, bojede vorĩ eaiyurĩdurejaquemavũ ùi mácu.

¹⁶Ubenita ùi tubamũ, ãimacũ yávabecu bácu, jararejaquemavũ ùi mácũre. Yávarejaquemavũ úre ape yávaiyeque yópe põecuĩ yávaiyepe, ðajocare ðacũyũ ñai Jũmenijicui yávaiyede coyũcaipõecu bácuere ùi ðaiye báquede ãrumecũpe.

¹⁷Yópe pœva ocore earĩ coreniduivũ ne chõiyere ococobe pĩapórĩ popoie boje, nopedeca pœva chõodama ina bueiõeva borocũrivũ ne bueiyeque, ne jujovaiye boje. Aru yópe oopenibõ õmevũque japurĩ jaroiyepe pœva majibevũa, nopedeca ina bueiõeva borocũrivũ ne bueiyede majibenama, ne jujovaiye boje. Que tenĩ ne bueiye báque bojecũbevũ. Que baru Jũmenijicui meadaibi náre ne cũrãjino pũeno baju ñeminore, ne ñájinajinore. ¹⁸Yávaðama paruéque yópe majidivũ ne yávaiyepe. Ubenita quéda ubenina yávaðama na. Apevũ pœva ðajovaðama ne bueiye jáve ãmene jarũvarĩ, yópe buõimũ ùi dupini nuiyepe. Ðaicõjeivũbu náre, ne

ðarãjiyepe aivũ cojedeca no ãmenore yópe ne ðajocarĩduino mácarõpe. ¹⁹Yópe arĩ, coyũivũbu náre: “Muxa yebacavũ ãmevũ. Que baru ðajarã caiyede yópe muxe baju urõpe”, adama na. Ubenita ne que aiyedeca, nárecabu yebacavũpe paivũ. Ne ãmeina ðaiyuede ðaicõjeiye boje náre, bíjarãjarama na. Ñai ðaicõjeñũ aprevũre, úrecabe ne jabocu. Aru apevũ ùi yebacavũbu. Nopedeca põecu apejĩene ðaicõjeimũ maru, úrecabe yebacavũpe páyũ. ²⁰Ina pœva jarũvaivũ bácvũ ijãravũcavũ ne ãmeno ðaiyede, ne coreõvaiye boje maje jabocu Jesucristore, majare meadaipõecũre, oatũvaivũ baru ne õmene, ãmeina tenajivũ cojedeca, buõjarãjarama na ãmena ne mamarũmũre ãmeno ðaino mácarõ pũeno. ²¹Ne jarũvaru Jũmenijicui ðaicõjeiye méne ùi coyũiye báquede náre, pũeno baju meajebu náre, ne majibedu iye bueiyede aipe ðarĩ pœva cũrĩ buõjarãjivũ mearare Jũmenijicui jáinoi. ²²Ðaðama na yópe majidivũ ne coyũno mácarõpe: “Yavimi copedini ãñũme ùi baju bijoiye báquede. Aru várĩco ne cuyavaimo máco copainuri paraðobe yaoburã”, adama na.

Maje jabocu ùi copaidaquinore coyũno

(Mt 24.43; Lc 12.39; 1 Ts 5.2; 2 Ti 3.1-5; Jud 18; Ap 16.15, 21.1)

3 ¹Muxa, ji õmara, caride toivacavũ mujare cojedeca. Javede toivacacũ mujare apeyoca paperayocare. Diyoca pũcayocaque ãrũre ðaiyũvũ mujare iye bueiyede jávene muxe jápiaiye báquede, muxe ðapiarãjiyepe ayũ nurĩe. ²Ãrũjara ina Jũmenijicui yávaiyede coyũcaipõeva mácvũ, Jũmenijicũre memecaivũ bácvũ, ne bueiye báquede mamarũmũre. Ãrũjara maje jabocu Jesucristo, majare meadaipõecu, ùi ðaicõjeiye báquede máre ùi yávaiye méne beorĩ coyũicõjeimara ñuxe bueiye báquede mujare.

³Mamarũmũre coreõvajarã muxa iyede: ãnijãravũ buõjaquijãravũ baquiyéde, Cristoi copaidaquijãravũ

jipocare, darājarama pōeva Jūmenijicure ju abevu, yurivū, aru ne āmeina daiyuepe ðaivū. Yurinajarama Jūmenijicure aru Jesucristore ju aipōevare máre. ⁴Yūrini, yópe arājarama na: “Mūja aivū, ‘Copaidacuyumu yū ijāravū’, arejamedā Cristo, aivūbu mūja. Jāve maru no, ¿Ári curi ū? Obediujua vaivū majeñecuva māvavū ne yainiburu yóbore. Aru ne curinūmure, caride máre, caiye vaivū cūináturu iye vaiye báquedeca Jūmenijicui ijāravūre cuedainūmū yóbore”, arī yurinajarama na. ⁵Ūbenita nácapūravū coreóvayūbenama Jūmenijicui cuedaiye báque caijīene. Mamarūmure Jūmenijicu cuedarejaquemavū cavarōre aru joborōre máre ūi yāvaiyeque. Cuedarejaquemavū ijāravūre ocoque aru oco jēneboi. ⁶Aru ocoque máre jarūvarī bījare ðarejaquemavū ānijāravūcavū bācavūre muiváiboque. ⁷Aru caride máre meadayūbe ijāravūre, cavarōre aru joborōre máre, ūi yāvaiyeque. Meadayūbe ijāravūre pū ūi nājiovaquijāravū baquinóita, ūi nājine ðaquiye de caivū āmenare, ne coatenajiyepē ayū ūre jarūvarī. Dinūmū maquinóre cūiné ðacuyūme ijāravūre toaque.

⁸Mūja, ji ūmara, ārumetebejarā iyede: Jūmenijicu jāñūme cūinājāravū vainore yópe maje jāiyepē mil paiujua vainore. Aru Jūmenijicu jāñūme mil paiujua vainore yópe maje jāiyepē cūinājāravū vainore. ⁹Maje jabocu Jesucristo “Copaidacuyumu yū” arejame. Ūbenita apevu pōeva ne majiēpe, ne jāravūare corevaiyepē, ðuibajīemū ūi daiyūrīduino. “Dabebi cāreja. Que baru dabecuyūme”, arī dápiadama ūbenina. Ūbenita daiyūbecū āmemi. Quénora napīñūme mūjare. Jūmenijicu ūbi caivū pōevare meadaimara marajiyēpe ayū. Que baru ūbebi ū cūinācu ūi coateiyede ūre jarūvarī toabo cūiméboi.

¹⁰Yópe nāvairopēcui daiyepē ñamine, pōeva ne majibede, nopedeca ðacuyūme Jesucristo, pōeva ūre ne corebede. Dinūmū maquinóre yo cavarō

cūiquíyebu ūrarō jidojarō bujinoque. Aru caiye iye ijāravūi cue báque me éni cūiquíyebu toaque pū ne bījarī cūiyeta. Aru maje curijoborō máre, caiye ijāravūque máre, Jūmenijicui cuedaiye báque, pōeva ne ðaiye báque máre, me éni cūiquíyebu.

¹¹Que teni caiye bījarī cūiquíyebu. Que baru me curjarā mūja meara teni Jūmenijicui jāinoi ūre memecaivū. ¹²Napini corejarā maje jabocu Jesucristo copaidaquiye de. Aru ðajarā mūja caiye iye jauéde mūjare cāreja ūi ðaquiye jipocare. Que teni ðaicōjenajivūbu mūja ūre maumena. Dijāravū ūi copaidaquijāravū baquinóre, yo cavarō me éni cūiquíyebu toaque pū bījarī cūiyeta. Aru caiye iye ijāravūi cue báquede toaijiquiyebu toaque pū ēnuricoro teni cūiyeta. ¹³Ūbenita cuquiyebu cavarō mamaro aru joborō mamaro máre. Jūmenijicu aibi majare, “Apejāravū mamajāravū meajāravū baquinó cuquiyebu jāve”. Aru caivū ðinūmū maquinócvavū meara curājarama cainūmū Jūmenijicui jāinoi.

¹⁴Mūja, ji ūmara, mūje napini coreiyedeca diede ðajarā caiyede mūje oainope, maje jabocui eaquiyepe aivū mūjare āmeno cubevūre. Quénora eajacurī mūjare pūeno baju mearare aru me curivūre cārijimevūva.

¹⁵⁻¹⁶Coreóvajarā iyede: Maje jabocu Jesucristo napini coreibi pōevare, ne meadārājiyepē ayū. Quédeca caiyoca ūi paperayocaque toivaicōjequemavū diede majecu, maje ūmū, Pablo. Apeyoca ūi paperayocare apevu pōeva jāpiarīduyama. Ina majibevū aru ina ju aivū Jesucristore parūbevūva cāreja coyūrīduyama aipe aiyūrōre iye ūi toivaicōjeiye báquede aru ape toivaiye báquede máre, Jūmenijicui toivaicōjeiye báquede ūi yāvaiyede. Ūbenita ūbenina coyuyama na. Que baru ne baju coatedama Jūmenijicure jarūvarī.

¹⁷Mūja, ji ūmara, javede majivū mūja diede. Que baru me jājara ina pōeva Jūmenijicure ju abevūre, ne jūjovabenajiyepē aivū mūjare ne

bueiye jāve āmeque, mʉje vainí turí
 bʉjabenajiyepɛ aivʉ mʉje ju aiyede
 jarʉvarí. ¹⁸Quénora pʉeno baju nʉjara
 mʉja, Jʉmenijicui mearo ɔacaimara
 bojecʉbeda ũi me boje. Aru pʉeno baju

coreóvajarā maje jabocʉ Jesucristore,
 majare meadaipōecure. Mearore
 jʉnajarevʉ ũreca caride aru cainʉmʉa,
 jʉɔovarajivʉ ũre meacʉ bajure.
 Quédecabu. Quénoramu.